



5 Jun 2014
5 June 2014
P.U. (B) 285

WARTA KERAJAAN PERSEKUTUAN

FEDERAL GOVERNMENT GAZETTE

NOTIS PEMULAAAN KAJIAN SEMULA DIPERCEPAT DUTI
ANTI-LAMBAKAN MENGENAI IMPORT *ELECTROLYTIC
TINPLATE* YANG BERASAL ATAU DIEKSPORT DARI
NOVOWELL ETP LIMITED DARI REPUBLIK RAKYAT CHINA

*NOTICE OF INITIATION OF EXPEDITED REVIEW OF THE
ANTI-DUMPING DUTIES WITH RESPECT TO THE IMPORTS
OF ELECTROLYTIC TINPLATE ORIGINATING IN OR
EXPORTED FROM NOVOWELL ETP LIMITED FROM
THE PEOPLE'S REPUBLIC OF CHINA*



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA DUTI TIMBAL BALAS DAN ANTI-LAMBAKAN 1993

NOTIS PEMULAAN KAJIAN SEMULA DIPERCEPAT DUTI ANTI-LAMBAKAN MENGENAI
IMPORT *ELECTROLYTIC TINPLATE* YANG BERASAL ATAU DIEKSPORT DARI
NOVOWELL ETP LIMITED DARI REPUBLIK RAKYAT CHINA

(NSR 01/14)

BERIKUTAN penyiaran Notis Penentuan Muktamad Afirmatif Penyiasatan Duti Anti-Lambakan mengenai Import *Electrolytic Tinplate* yang dikelaskan di bawah Nombor Kod Sistem yang Diharmonikan (Kod H.S.) 7210.12.200 yang berasal atau dieksport dari Republik Rakyat China dan Republik Korea pada 15 November 2013 [*P.U. (B) 466/2013*], Kerajaan Malaysia telah menerima suatu permintaan untuk kajian semula dipercepat menurut subseksyen 28B(1) Akta Duti Timbal Balas dan Anti-Lambakan 1993 [*Akta 504*].

Permintaan untuk Kajian Semula

1. Permintaan itu telah dibuat oleh—

Novowell ETP Limited
Xinyuan Light Industry Science and Technology Zone
Daduo Town, Xinghua City
Jiangsu Province China,

pengeluar *electrolytic tinplate* dari Republik Rakyat China.

Keluaran

2. Dagangan subjek di bawah kajian semula ialah *electrolytic tinplate* yang dikelaskan di bawah Nombor Kod Sistem yang Diharmonikan (Kod H.S.) 7210.12.200. Nombor Kod H. S. ini diberikan hanya untuk makluman tetapi tidak mempunyai kesan mengikat terhadap pengelasan dagangan subjek itu.

Duti Anti-Lambakan Sedia Ada

3. (1) Duti yang berkuat kuasa pada masa ini ke atas dagangan subjek ialah duti anti-lambakan definitif yang dikenakan oleh Perintah Kastam (Duti Anti-Lambakan) (No. 3) 2013 [*P.U. (A) 339/2013*].

(2) Tiada duti anti-lambakan boleh dikenakan ke atas dagangan subjek yang berasal atau dieksport dari Novowell ETP Limited dari Republik Rakyat China semasa kajian semula sedang dijalankan.

Alasan bagi Kajian Semula

4. (1) Permintaan adalah berdasarkan alasan bahawa pengeluar tidak mengeksportkan dagangan subjek ke Malaysia sepanjang tempoh penyiasatan dan pengeluar itu tidak ada kaitan dengan mana-mana pengeksport atau pengeluar di negara pengeksport yang tertakluk kepada duti anti-lambakan atas dagangan subjek.

(2) Kerajaan berpuas hati bahawa permintaan itu mengandungi alasan yang mencukupi bagi memulakan suatu kajian semula.

(3) Dalam membuat keputusan ini, Kerajaan juga telah meneliti syarat-syarat bagi memulakan kajian semula menurut subseksyen 28B(1) Akta.

Tatacara

5. (1) Setelah menentukan bahawa keterangan yang mencukupi wujud untuk mewajarkan suatu kajian semula dipercepat mengenai import *electrolytic tinplate* yang berasal atau dieksport dari Novowell ETP Limited dari Republik Rakyat China, Kerajaan memulakan kajian semula dipercepat menurut subseksyen 28B(1) Akta.

(2) Penyiasatan akan menentukan kadar duti anti-lambakan individu bagi Novowell ETP Limited dari Republik Rakyat China.

Senarai Soalan

6. (1) Bagi mendapatkan maklumat yang disifatkan perlu bagi kajian semulanya, Kerajaan akan menghantar senarai soalan kepada industri Malaysia dan mana-mana persatuan pengeluar di Malaysia dan kepada pengimport.

(2) Dalam apa-apa keadaan pun, semua pihak berkepentingan yang tidak dihubungi oleh Kementerian Perdagangan Antarabangsa dan Industri (MITI) diminta untuk menghubungi MITI secara bertulis bagi mengetahui sama ada mereka disenaraikan dalam permintaan. Jika perlu, pihak berkepentingan itu boleh memohon satu salinan senarai soalan dengan memberitahu sifat aktiviti perniagaan mereka yang berkaitan dengan kajian semula ini.

Pengumpulan Maklumat

7. Semua pihak berkepentingan diminta memberikan pandangan mereka secara bertulis, khususnya dengan menjawab senarai soalan yang dialamatkan kepada mereka dan dengan mengemukakan keterangan menyokong.

Had Masa

8. (1) Mana-mana pihak berkepentingan yang memohon senarai soalan hendaklah berbuat demikian tidak lewat daripada 15 hari selepas penyiaran notis ini dalam *Warta*.

(2) Semua pihak berkepentingan mestilah mengemukakan pandangan mereka secara bertulis dan mengemukakan jawapan kepada senarai soalan dalam masa 30 hari dari tarikh penyiaran notis ini jika pandangan dan maklumat itu hendak diambil kira semasa penyiasatan, kecuali dinyatakan sebaliknya.

Maklumat Bertulis, Jawapan Senarai Soalan dan Surat-Menyurat

9. (1) Semua maklumat, jawapan senarai soalan dan surat menyurat dan permohonan mesti dibuat secara bertulis dan dihantar sama ada melalui pos, e-mel atau faksimili dan dengan jelas dinyatakan nama, alamat, alamat e-mel, nombor telefon dan faksimili pihak berkepentingan itu kepada: